

COROLLA calycis basi inserta, papilionacea, pentapetala. *Vexillum* subreflexum, ovato-oblongum, obtusum, apice subacuminatum, nervo medio elevato: planum striatum, ad margines laterales venosum. *Alae* vexilli fere longitudine, rectae, oblongae, obtusae, basi angustatae. *Carina* alis oblecta, iisque paullo brevior, interius apicem versus curvata, in segmenta bina oblonga, obtusa divisa.

STAMINA decem calyci infra corollam inserta. *Filamenta* monadelphica, in vaginam compressam coalita, apice libera sub incurva, alternatim longiora, albida. *Antherae* minutae versatiles, lineares lateribus, dehiscentes, et pollinem sulphurei coloris explodentes.

PISTILLUM *germen* lineare, compressum, glabrum, viridulum, subpedunculatum. *Stylus* filiformis, curvatus, albidus persistens. *Stigma* capitatum.

PERICARPIUM *Legumen* pedunculatum calyce persistenti obvallatum, oblongum compressum, acuminatum, propter semina protuberantia gibbosum, fusco nigrum, unicapsulare, bivalve, unicam et ultra longum, et dimidiam circiter latum.

SEMINA octo aut decem, ovalia, obtusa, lucida, brunea, apice caruncula elevata, in cujus centro funiculus umbilicalis brevis ad suturam inferiorem affixus.

Ramus magnitudine naturali.

1. Petala. 2. Calyx apertus cum sexus organis. 3. Pistillum. 4. fructus seu Legumen. 5. Semen.